



OPĆINA KAKANJ

Stručna služba za poslove Općinskog načelnika

MUNICIPALITY OF KAKANJ

Mayor's Office

Broj: 02/1-___/17
Kakanj, _____17.

Stručna služba za poslove Općinskog vijeća Kakanj

PREDMET: Materijali za sjednicu Općinskog vijeća Kakanj, dostavljaju se,-

U skladu sa članom 15. Zakona o principima lokalne samouprave u Federaciji Bosne i Hercegovine („Službene novine Federacije BiH“, broj 49/06 i 51/09) i člana 38. Statuta Općine Kakanj („Službene novine Općine Kakanj“, broj 4/08), u prilogu akta, dostavljam vam materijale za sjednicu Općinskog vijeća:

- 1. Prijedlog Odluke o postupku registracije i načinu vođenja Registra mjesnih zajednica Općine Kakanj sa priložima,**
- 2. Prijedlog Odluke o dopunama Odluke o administrativnim taksama Općine Kakanj,**

Obrađivač:

- Služba za opću upravu, radne i zajedničke poslove, lokalnu samoupravu i mjesne zajednice

Općinski načelnik

Nermin Mandra

Dostavljeno:

- Stručna služba za poslove Općinskog vijeća Kakanj
- Predsjedavajući Općinskog vijeća
- a/a

BOSNA I HERCEGOVINA

FEDERACIJA BOSNE I HERCEGOVINE

ZENIČKO-DOBOJSKI KANTON

OPĆINA KAKANJ

-Općinsko vijeće-

PRIJEDLOG

Na osnovu člana 8. i 13. Zakona o principima lokalne samouprave u Federaciji Bosne i Hercegovine („Službene novine Federacije Bosne i Hercegovine“, broj: 49/06), člana 13 stav 1. tačka c. Zakona o pripadnosti javnih prihoda u Federaciji Bosne i Hercegovine („Službene novine Federacije Bosne i Hercegovine“, broj: 22/06, 43/08 i 22/09), i člana 24. i 108. Statuta Općine Kakanj („Službene novine Općine Kakanj“, broj: 4/08), Općinsko vijeće na ____ sjednici održanoj dana ____ . ____ .2017. godine, **d o n o s i**

O D L U K U

o dopunama Odluke o administrativnim taksama Općine Kakanj

Član 1.

U Odluci o administrativnim taksama Općine Kakanj („Službene novine Općine Kakanj“, broj: 4/10, 3/11, 11/13 i 10/15), u članu 19. (oslobađanje za spise i radnje) iza tačke k, dodaje se tačka l) i glasi: „l) u postupku sklapanja braka u toku radnog vremena u službenim prostorijama Općine Kakanj i matičnim uredima“.

Član 2.

U Tarifniku broj 9., dodaje se Tarifnik broj 9. a) i glasi:

1. „Sklapanje braka poslije radnog vremena radnim danom i neradnim danima 50,00 KM,
2. Sklapanje braka izvan službenih prostorija Općine Kakanj 150,00 KM.“

Član 3.

Ostali dio Odluke ostaje neizmjenjen.

Član 4.

Ova izmjena Odluke stupa na snagu danom donošenja, a objavit će se u „Službenim novinama Općine Kakanj“.

Broj: 01/1- _____ /2017

Kakanj, ____ . ____ .2017

PREDSJEDAVAJUĆI OPĆINSKOG VIJEĆA

Slaven Katičić



P r a v n i o s n o v

1. Član 8. i 13. Zakona o principima lokalne samouprave u Federaciji Bosne i Hercegovine („Službene novine Federacije Bosne i Hercegovine“, broj: 49/06),
2. Član 13. stav 1. tačka c. Zakona o pripadnosti javnih prihoda u Federaciji Bosne i Hercegovine („Službene novine Federacije Bosne i Hercegovine“, broj: 22/06, 43/08 i 22/09),
3. Član 24. i 108. Statuta Općine Kakanj („Službene novine Općine Kakanj“, broj: 4/08).

O b r a z l o ž e n j e

Općinsko vijeće Općine Kakanj na 9. sjednici održanoj dana 27.06.2013 godine donijelo je Zaključak da se sklapanje braka prvi put, besplatno obavlja svaki ponedjeljak u toku radnog vremena u MU Brnjic, svaki drugi ponedjeljak u MU Kraljeva Sutjeska, svaki treći ponedjeljak u MU Bilješevo, a u MU Kakanj svakog četvrtka u toku radnog vremena.

Od dana donošenja ovaj se zaključak u praksi i primjenjuje, tako da se od ukupno 291 sklopljen brak u 2016 godini, 215 obavilo bez plaćanja naknade, dok se za 76 izvršila uplata.

Kako naknade za vjenčanja nisu bile propisane Odlukom o administrativnim taksama Općine Kakanj, intencija je prije svega da se ovo pitanje reguliše Odlukom, koriguju određeni iznosi, te oslobode od plaćanja naknade svi podnosioci prijave za sklapanje braka u radno vrijeme.

Prijedlog je da se umanju iznos za sklapanja braka izvan službenih prostorija sa 250,00 KM na 150,00 KM, kao i naknada za sklapanje izvan radnog vremena radnim danom i neradnim danima u službenim prostorijama općine sa 80,00 KM na 50,00 KM.

Naime, u neposrednim razgovorima sa podnositeljima prijave za sklapanje braka, iskazana je želja da se svečani čin sklapanja braka obavlja poslije radnog vremena, najčešće subotom, dok je u porastu broj zahtjeva da se sklapanje braka obavlja izvan službenih prostorija Općine Kakanj.

Uzimajući u obzir zahtjeve budućih bračnih partnera, činjenicu da je organiziranje i obavljanje svadbi i postupaka sklapanja braka lakše poslije radnog vremena, naročito vikendima, nestvaranje dodatnih troškova matičarima u slučajevima kada postupke sklapanja braka obavljaju izvan službenih prostorija Općine Kakanj, aktuelnu ekonomsku situaciju i nezaposlenost većeg broja budućih bračnih partnera, senzibilitet i podršku ovoj populaciji, predlaže se ova Odluka o dopunama Odluke o administrativnim taksama Općine Kakanj.

Kakanj, ____ . ____ . 2017. godine

Predlagač

Općinski načelnik

Nermin Mandra

